

სამედიცინო სახარჯი მასალების
(CPV 33140000 - სამედიცინო სახარჯი მასალები)
შესყიდვის
ელექტრონული ტენდერის (SPA)
სატენდერო კომისიის სხდომის
ოქმი N1

16 მაისი 2019 წ.

ქ. თბილისი

სატენდერო კომისიის სხდომას ესწრებოდნენ:

სატენდერო კომისიის თავმჯდომარის
მოვალეობის შემსრულებელი

გ. მაღლაკელიძე

სატენდერო კომისიის წევრები:

ქ. ზოზიაშვილი თ. ხორხელი

სატენდერო კომისიის აპარატის წევრები:

გ. ბაქრაძე თ. ქავთარაძე ნ. წივილაშვილი

შვებულებაში ყოფნის გამო სატენდერო კომისიის სხდომას არ ესწრება სატენდერო
კომისიის თავმჯდომარე მ. წაქაძე

დღის წესრიგი:

თბილისის სახელმწიფო სამედიცინო უნივერსიტეტის პირველი საუნივერსიტეტო
კლინიკის მიერ, 2019 წლის საკუთარი შემოსავლების ფარგლებში, სამედიცინო
სახარჯი მასალების (CPV 33140000 - სამედიცინო სახარჯი მასალები) შესყიდვის
მიზნით გამოსაცხადებელი ელექტრონული ტენდერის შესახებ სატენდერო
განცხადების ტექსტისა და ელექტრონული სატენდერო დოკუმენტაციის განხილვა
და დამტკიცება.

მოისმინეს:

სატენდერო კომისიის აპარატის წევრის თ. ქავთარაძის ინფორმაცია, რომელმაც
აღნიშნა, რომ კომისიის წევრებს გადაეცათ ელექტრონული ტენდერის 2019
წლის საკუთარი შემოსავლების ფარგლებში, სამედიცინო სახარჯი მასალების (CPV
33140000 - სამედიცინო სახარჯი მასალები) შესყიდვაზე სატენდერო კომისიის
აპარატის მიერ მომზადებული ელექტრონული სატენდერო დოკუმენტაციის და
განცხადების პროექტი, სადაც სავარაუდო ღირებულება 26220 ლარი
განსაზღვრულია ბაზრის შესწავლის შედეგების გაანალიზების საფუძველზე. (თსუ
პირველი საუნივერსიტეტო კლინიკის კათეტერიზაციის ლაბორატორიის
ხელმძღვანელი ი. ხელია 2019 წლის 18 თებერვლის N11/574 და 20 მარტის N 11/971
მოხსენებითი ბარათების საფუძველზე)


აზრი გამოთქვას:

სატენდერო კომისიის წევრმა გ. მაღლაკელიძემ აღნიშნა, რომ წარმოდგენილი განცხადებისა და ელექტრონული სატენდერო დოკუმენტაციის პროექტი მისაღებია. აღნიშნულ მოსაზრებას დაეთანხმა სატენდერო კომისიის ყველა წევრი.

კომისიამ დაადგინა:

1. დამტკიცდეს სამედიცინო სახარჯი მასალების (CPV 33140000 - სამედიცინო სახარჯი მასალები) შესყიდვის მიზნით, ელექტრონული ტენდერის (SPA) სისტემაში ელექტრონულად შევსებული სატენდერო პირობების პროექტი;
2. დაევალოს სატენდერო კომისიის აპარატს უზრუნველყოს ერთიან ელექტრონულ სისტემაში ატვირთული სატენდერო განცხადებისა და სატენდერო დოკუმენტაციის რეგისტრაცია გამოქვეყნება.

სატენდერო კომისიის თავმჯდომარის
მოვალეობის შემსრულებელი



გ. მაღლაკელიძე

სატენდერო კომისიის წევრები:

ქ. ზოზიაშვილი



თ. ხორხელი




სატენდერო კომისიის აპარატის წევრები:

თ. ქავთარაძე



ნ. წივილაშვილი



გ. ბაქრაძე



5/16/2019

Fw: პირველი საუნივერსიტეტო კლინიკა - clinikkavtaradze@gmail.com - Gmail

Fw: პირველი საუნივერსიტეტო კლინიკა

giorgi giorgi
to me

----- Forwarded Message -----

From: con spa gov ge <con@spa.gov.ge>

To: giorgi giorgi <giomaglakeridze@yahoo.com>

Sent: Thursday, May 16, 2019, 1:37:32 PM GMT+4

Subject: RE: პირველი საუნივერსიტეტო კლინიკა

სახელმწიფო შესყიდვების სააგენტომ განიხილა თქვენი მომართვა, საქართველოს მთავრობის 2018 წლის 29 აგვისტოს N446 დადგენილების დანართით განსაზღვრული დაკავშირებით და გაცნობებით, რომ ამ ეტაპზე, ვერ განხორციელდა თქვენს მიერ მითითებული შესყიდვის ობიექტ(ებ)ის აგრეგირება სხვა შემსყიდველი ორგანიზაციები

ყოველივე ზემოაღნიშნულის გათვალისწინებით სახელმწიფო შესყიდვების სააგენტო მიზანშეწონილად მიიჩნევს მოგცეთ თანხმობა წერილში ნახსენები ობიექტ(ებ)ის შეფარგლებს გარეთ.

გაითვალისწინეთ, რომ შესყიდვა უნდა განხორციელდეს კანონმდებლობით დადგენილი წესითა და მოთხოვნათა გათვალისწინებით.

☞ შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

სამედიცინო სახარჯი მასალები (33140000 - სამედიცინო სახარჯი მასალები)

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1) დიაგნოსტიკური კათეტერები JL 3.5; JL4.0 JL5.0 მსგავსი ან ეკვივალენტური 6 F ცალი 400

2) დიაგნოსტიკური კათეტერები JR4, მსგავსი ან ეკვივალენტური 6 F ცალი 500

3) დიაგნოსტიკური კათეტერები AR1; AR2; მსგავსი ან ეკვივალენტური 6 F ცალი 20

საქონელის დასახელება, სადაც მითითებულია კონკრეტული სასაქონლო ნიშანი, პატენტი, მოდელი, წარმოშობის წყარო ან მწარმოებელი, იგულისხმება „მსგავსი“ ან „ეკვივალენტური“.

☐ 1.3 ატვირთეთ ფასების ცხრილი/ხარჯთაღრიცხვა



26220 ლარი.xlsx



☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

შესყიდვის ობიექტის მოწოდება განხორციელდება ეტაპობრივად, შემსყიდველის მოთხოვნილი რაოდენობის შესაბამისად, შემსყიდველის მოთხოვნიდან არაუგვიანეს 3 (სამი) სამუშაო ვადაში.

შესასყიდი საქონლის მოწოდება უნდა განხორციელდეს ხელშეკრულების გაფორმებიდან 2019 წლის 31 დეკემბრამდე.

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

საქონლის მიწოდება, მიმწოდებლის მიერ, უნდა განხორციელდეს თსსუ პირველ საუნივერსიტეტო კლინიკაში (მისამართი: ქ. თბილისი, გუდამაყრის ქუჩა N 4).

☐ 1.7 მოითხოვება თუ არა ინფორმაცია საგარანტიო ვადის შესახებ?

კი

☐ ☐ 1.7.1 მიუთითეთ საგარანტიო ვადასთან დაკავშირებული მოთხოვნები



ფასების ცხრილი/ხარჯთაღრიცხვაში მოცემული სამედიცინო სახარჯი მასალების ვარგისიანობის

ვადა მოწოდების დღიდან უნდა იყოს არანაკლებ 7 (შვიდი) თვე.

☞ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის სასაქონლო ნიშნის, პატენტის, მოდელის, წარმოშობის წყაროს ან/და მწარმოებლის შესახებ?

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით



წარმოშობის ქვეყანა, მწარმოებელი

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

არა

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის სავალდებულო)



სარეკომენდაციო წერილი (CPV 33140000 - სამედიცინო სახარჯი მასალებზე) არანაკლებ 2 სამედიცინო დაწესებულებიდან.

ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე.

დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი მიენიჭება ქართულენოვან

❖ ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

კი

☐ 3.1.1 მიუთითეთ ნიმუშთან ან/და ექსპერტიზის დასკვნასთან დაკავშირებული მოთხოვნები

შერჩევა შეფასების ეტაპზე, შემსყიდველის მოთხოვნიდან არაუმეტეს 3 (სამი) სამუშაო დღისა, პრეტენდენტმა უნდა წარმოადგინოს სატენდერო დოკუმენტაციის 1.3 (ხარჯთაღრიცხვა (ფასების ცხრილი)) მითითებული ყველა პოზიციაზე საქონლის ნიმუშები.

☐ 3.1.2 მიუთითეთ ნიმუშის ან/და ექსპერტიზის დასკვნის წარმოდგენის ვადა

მოთხოვნიდან არაუმეტეს 3 სამუშაო დღის ვადაში

☐ 3.1.3 მიუთითეთ ნიმუშის ან/და ექსპერტიზის დასკვნის წარმოდგენის ადგილი

მისაწოდებელი საქონლის ნიმუშები და შესაბამისი წერილი პრეტენდენტმა უნდა წარმოადგინოს თსსუ პირველ საუნივერსიტეტო კლინიკაში (მისამართი: ქ. თბილისი, გუდამაყრის ქუჩა N 4)

❖ ფასწარმოქმნის ადეკვატურობის დამადასტურებელი დოკუმენტ(ებ)ი

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

ექსპერტიზის დასკვნით, ან/და გაფორმებული ხელშეკრულებით, ან/და ანგარიშგაქტურით,

ან/და ინვოისით, ან/და საშემფასებლო დასკვნით (რომელიც ხელმოწერილია აკრედიტირებული შემფასებელთა სერტიფიკაციის ორგანოს მიერ სერტიფიცირებული შემფასებლის მიერ. (წარმოდგენილი უნდა იქნას შესაბამისი სერტიფიკატი).

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან არაუმეტეს 3 სამუშაო დღის ვადაში

❖ სარეგისტრაციო/უფლებრივი მონაცემების ამსახველი დოკუმენტ(ებ)ი

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

❖ ხელშეკრულების შესრულების უზრუნველყოფის გარანტია

☐ 6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

❖ ანგარიშსწორების პირობები

არა

☐ 7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

ანგარიშსწორება განხორციელდება, მიწოდებული საქონლის მიღება-ჩაბარების აქტის შესაბამისად.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები (სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება, მიწოდებული საქონლის დამადასტურებელი დოკუმენტის წარმოდგენიდან არაუგვიანეს 30 (ოცდაათი) სამუშაო დღის ვადაში.

შემსყიდველი მხარე დამატებით განმარტავს (სატენდერო წინადადების 7.3 მუხლის მიზნებისთვის), რომ თსსუ პირველი საუნივერსიტეტო კლინიკის დაფინანსების წყაროს წარმოადგენს საკუთარი შემოსავლები, რომლის ძირითად წილს შეადგენს საყოველთაო ჯანმრთელობის დაცვის სახელმწიფო პროგრამიდან მიღებული თანხები.

▼ ხელშეკრულების პროექტი

☐ 8.1 ატვირთეთ ხელშეკრულების პროექტი

 ხელშეკრულების პროექტი.pdf ☐

▼ საკონტაქტო პირის შესახებ ინფორმაცია

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

თამარ ქავთარაძე, 595307180, klinikavtaradze@gmail.com 2-61-01-01(311)

▼ დამატებითი ინფორმაცია/დოკუმენტები

☐ ☐ 10.1 დამატებითი ინფორმაცია/დოკუმენტები (ველის შევსება არ არის სავალდებულო)

▼ სატენდერო პირობების დამტკიცების შესახებ სატენდერო კომისიის სხდომის ოქმი

☐ 11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

ხელშეკრულება №

ქ. თბილისი

წელი

ერთის მხრივ თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკა, მდებარე: ქ. თბილისი, გუდამაყრის N4 (შემდგომში, „შემსყიდველი“), წარმოდგენილი მისი გენერალური დირექტორის ლევან რატიანის სახით და მეორეს მხრივ _____, მდებარე: _____, (შემდგომში - „მიმწოდებელი“), წარმოდგენილი მისი _____ სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA _____) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1. შესყიდვის ობიექტია: _____ (CPV _____). შესყიდვის ობიექტის დასახელებები და ზუსტი მახასიათებლები წარმოდგენილია დანართი N1-ში (დანართი N1 წარმოადგენს წინამდებარე ხელშეკრულების განუყოფელ ნაწილს).

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს _____ (_____) ლარს.

2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1. შესყიდვის ობიექტის მიწოდება ხორციელდება ეტაპობრივად, შემსყიდველის მოთხოვნილი რაოდენობის შესაბამისად, შემსყიდველის მოთხოვნიდან არაუგვიანეს 3 (სამი) სამუშაო ვადაში.

3.2 შესყიდვის ობიექტის მიწოდება უნდა განხორციელდეს თსსუ პირველი საუნივერსიტეტო კლინიკაში მისამართი: (ქ. თბილისი, გუდამაყრის ქუჩა №4).

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს _____ წლის _____ ჩათვლით.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერით.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2 შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ შესყიდვის ობიექტის ნაკლის აღმოჩენის შესახებ.

6.4 შეტყობინების მიღების შემდეგ, „მიმწოდებელი“ ვალდებულია, შემსყიდველის მიერ მითითებულ ვადაში აღმოფხვრას არსებული დეფექტები, საკუთარი ხარჯით ან ჩაანაცვლოს ახლით. მიმწოდებელს დაეკისრება, როგორც შესყიდვის ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისთვის მიყენებული ზიანის ანაზღაურება.

6.5 თუ „მიმწოდებელი“, ნაკლის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები)

- 7.1 „მიმწოდებელთან“ ანგარიშსწორება განხორციელდება ლარში;
- 7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;
- 7.3 წინასწარი ანგარიშსწორება გათვალისწინებული არ არის;
- 7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტი(ებ)ის [(მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან)] წარმოდგენიდან არაუგვიანეს 30 (ოცდაათი) სამუშაო დღის ვადაში.
- 7.5 მიწოდებული საქონლის/მომსახურების დამადასტურებელი დოკუმენტაცია მიმწოდებელმა უნდა წარმოადგინოს შემდეგ მისამართზე: ქ. თბილისი, გუდამაყრის ქუჩა N4.
- 7.6. იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს, დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.
- 7.7. ანაზღაურება „მიმწოდებელთან“ განხორციელდება მის მიერ ფაქტობრივად მიწოდებული შესყიდვის ობიექტის შესაბამისად. ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან დარჩენილი თანხა რჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს შესყიდვის ობიექტის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტთან დაკავშირებული ყველა განსაკუთრებული გარემოების შესახებ.
- განახორციელოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისთვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

9.5 ხელშეკრულებით გათვალისწინებული ვალდებულების შეუსრულებლობის შემთხვევაში, მიმწოდებელს ეკისრება პირგასამტეხლოს გადახდა, შეუსრულებელი ვალდებულების 10%-ის ოდენობით.

9.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,2 (ნული მთელი ორი მეათედი) პროცენტის ოდენობით, მაგრამ არანაკლებ 10 (ათი) ლარისა.

9.7 შემსყიდველი იტოვებს უფლებას ხელშეკრულების 5.1. მუხლის დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება შესაბამის ეტაპზე გადასახდელი თანხიდან.

9.8 9.7 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება, ხელშეკრულების პირობებში, არ დაიშვება ორივე მხარის მიერ ხელმოწერილი წერილობითი შესწორების გარეშე.

10.2 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.3 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულებაში პირობების ცვლილება ფორმდება შეთანხმების სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში, მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს შესყიდვის ობიექტი სრულად ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6 11.3 ქვეპუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული შესყიდვის ობიექტის ღირებულება.

12. ფორს-მაჟორი

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2 ხელშეკრულების შესრულების კონტროლზე პასუხისმგებელ პირს წარმოადგენს _____

14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ამ ხელშეკრულების მიზნებისთვის (მათ შორის ხელშეკრულების მე-7 და მე-9 მუხლების მიზნებისთვის) შემსყიდველი მხარე დამატებით განმარტავს, რომ თსსუ პირველი საუნივერსიტეტო კლინიკის დაფინანსების წყაროს წარმოადგენს საკუთარი შემოსავლები, რომლის ძირითად წილს შეადგენს საყოველთაო ჯანმრთელობის დაცვის სახელმწიფო პროგრამიდან მიღებული თანხები.

15.4. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.6 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.7 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.

15.8 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

თბილისის სახელმწიფო სამედიცინო უნივერსიტეტის

პირველი საუნივერსიტეტო კლინიკა

მისამართი: ქ.თბილისი, გუდამაყრის N4

საიდენტიფიკაციო ნომერი 211328703

სახელმწიფო ხაზინა, კოდი TRESGE22

ა/ა GE24 NB03 3010 0200 165 022

გენერალური დირექტორი

ლევან რატიანი

ბ რ ძ ა ნ ე ბ ა

10 მაისი 2019 წ.

თბილისი

№ 510/05

მამუკა წაქაძის ანაზღაურებადი შვებულების შესახებ

“უმაღლესი განათლების შესახებ” საქართველოს კანონის 22-ე მუხლის, საქართველოს შრომის კოდექსის 21-ე მუხლის პირველი პუნქტის, სსიპ – თბილისის სახელმწიფო სამედიცინო უნივერსიტეტის წესდების მე-14 მუხლის შესაბამისად.

ვ ბ რ ძ ა ნ ე ბ ა:

1. მამუკა წაქაძეს, თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკის ფინანსურ დირექტორს, მიეცეს 2018 წლის გამოუყენებელი ანაზღაურებადი შვებულებიდან 5 სამუშაო დღე, 2019 წლის 13 მაისიდან 17 მაისის ჩათვლით.
2. მამუკა წაქაძის ანაზღაურებად შვებულებაში ყოფნის პერიოდში, თსსუ-ის კანცლერის 2015 წლის 11 მაისის N100/02 ბრძანებით განსაზღვრული სატენდერო კომისიის თავმჯდომარის მოვალეობის შესრულება დაევალოს თსსუ-ის პირველი საუნივერსიტეტო კლინიკის შესყიდვების სამსახურის უფროსს გიორგი მაღლაკელიძეს.
3. დაევალოს თსსუ-ის პირველი საუნივერსიტეტო კლინიკის მთავარ ბუღალტერს უზრუნველყოს მამუკა წაქაძის საშვებულებო თანხის ანაზღაურება.
4. ბრძანება დაეგზავნოს: ეკონომიკურ დეპარტამენტს, მამუკა წაქაძეს, თსსუ-ის პირველ საუნივერსიტეტო კლინიკას, გიორგი მაღლაკელიძეს და ადამიანური რესურსების მართვის სამსახურს.

საფუძველი: პირადი განცხადება (N530820 07.05.2019 წ) და თსსუ-ის პირველი საუნივერსიტეტო კლინიკის გენერალური დირექტორის ლევან რატიანის წერილი (N528075 07.05.2019წ)

პროფესორი ზურაბ ვადაჭკორია

რექტორი